

Сўровда қатнашган тўқимачилик саноати корхоналарининг стратегик рақобат афзалликларини тавсифловчи барқарор ривожланиш даражаси ва коэффициентлари миқдори

Корхоналар номланиши	Х қиймати	У қиймати	Барқарорлик даражаси
«ALKIM TEKSTIL» МЧЖ	0,61	0,55	нормал барқарор ривожланиш
«BEK MEGA TEXTILE» МЧЖ	0,31	0,13	критик ҳолат
“Crystal Color Textile” МЧЖ	0,33	0,13	критик ҳолат
“Textile Lux” МЧЖ	0,4	0,21	нормал барқарор ривожланиш
«BEST COLOR TEXTILE» МЧЖ	0,55	0,39	нормал барқарор ривожланиш
“COTTON TEXTILE” МЧЖ	0,72	0,45	нормал барқарор ривожланиш

Манба: Муаллиф ишланмаси.

Хулоса ва таклифлар. Амалда мавжуд вазиятни таҳлил қилиш натижалари асосида тўқимачилик корхоналарида стратегик рақобат устунликларини ривожлантиришнинг асосий йўналишлари қуйидагиларни ўз ичига олиши керак:

тўқимачилик маҳсулотлари истеъмолчиларининг келажак эҳтиёжларини олдиндан аниқ билиш;

қулай институционал муҳитни яратиш;

инновация фаолиятини фаоллаштириш;

маркетинг фаолиятини фаоллаштириш;

етарлича жавоб бера оладиган бошқарув тизими самарадорлигини ошириш;

омиллар ва меҳнат шароитларининг тез ўзгаришига ўз вақтида муносиб жавоб бера оладиган бошқарув тизими самарадорлигини ошириш;

кенг миқёсда барча соҳаларда рақамлаштириш технологиясидан самарали фойдаланиш.

Стратегик рақобат устунликлари таъсирини диагностикалаш учун таклиф этилаётган усулнинг афзалликлари қуйидагилар саналади:

1) хабардорлик (комплекслилик ва кўп ўлчамлилик, шу жумладан, ички ва ташқи муҳитнинг кўплаб омиллари, стратегик рақобат устунликларининг аксарияти);

2) мавжудлик (жамоатчилик учун эркин мавжуд корхона ҳисоботлардан фойдаланиш);

3) мослашувчанлик (хусусий кўрсаткичлар тўпламидан олинган умумий ва интеграл кўрсаткичлардан фойдаланиш);

4) кўп қирралик (турли саноат йўналишида);

5) муаммолар ҳақида эрта хабар беришлик (баҳолаш пайтида муаммоли йўналишлар ўчоғини аниқлаш имконини беради);

6) ривожланиш динамикасини аниқлаш имконини беради.

Манба ва адабиётлар рўйхати:

1. Ўзбекистон Республикаси Президентининг 2017 йил 7 февралдаги ПФ-4947-сонли “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси тўғрисида”ги фармони / www.lex.uz.

2. Доклад конференции Организации Объединенных Наций по проблемам окружающей человека среде, Стокгольм, 5-16 июня 1972 года (издание Организации Объединенных Наций, в продаже под № R.73. II. A. 14), глава 1. -109 с.

3. Повестка дня на XXI век. Принята Конференцией ООН по окружающей среде и развитию, Рио-де-Жанейро, 3-14 июня 1992 года. - 101с.

4. Мальтус Т.Р. Опыт о законе народонаселения [Электронный ресурс] / Т.Р. Мальтус // Аналогия экономической классики. Т.2. - Режим доступа: <http://www.pseudology.org/Reklama/MaltusNarodZakon2.pdf>.

5. Вальрас Л.Элементы чистой политической экономии [Текст] / Л.Вальрас. - М.: Изобраз, 2000. -448 с.

6. Кондратьев К.Я. Глобальная экодинамика и устойчивое развитие: естественнонаучные аспекты и „человеческое“ измерение [Текст] / К.Я.Кондратьев // Изв. Рус.геогр. общества, 1997., Вып. 6. - С. 1-12.

РАҚАМЛИ ИҚТИСОДИЁТ ШАРОИТИДА САНОАТ КОРХОНАЛАРИ САМАРАДОРЛИГИГА МЕҲНАТ САЛОҲИЯТИ ТАЪСИРИ

Мухтаров Махмуджон Маруфович –

Андижон машинасозлик институти “Саноат ишлаб чиқаришни ташкил этиш” кафедраси катта ўқитувчиси

Акбаров Муродилла Абдумалик ўғли –

“Иқтисодиёт” йўнилиши 2-курс талабаси

Аннотация: Ушбу мақолада саноат корхоналарида иқтисодий самарадорликни ошириш мезонлари, бугунги кундаги мавжуд ҳолати, шунингдек ишлаб чиқариш натижаларига меҳнат салоҳияти таъсири ўрганилган. Муаллиф мамлакат иқтисодиётини ривожлантириш, корхоналарнинг иқтисодий натижаларини яхшилаш ва иқтисодий самарадорликни ошириш бўйича мулоҳазалар юритади.

Калитли сўзлар: саноат, корхона, самарадорлик, ишлаб чиқариш, баҳолаш, фонд қайтими, капитал қайтими, меҳнат салоҳияти, меҳнат унумдорлиги, иқтисодиёт.

ВОЗДЕЙСТВИЕ ТРУДОВОГО ПОТЕНЦИАЛА НА ЭФФЕКТИВНОСТЬ ПРОМЫШЛЕННЫХ ПРЕДПРИЯТИЙ В УСЛОВИЯХ ЦИФРОВОЙ ЭКОНОМИКИ

Мухтаров Махмуджон Маруфович -

Старший преподаватель кафедры «Организация промышленного производства» Андижанского машиностроительного института.

Акбаров Муродилла Абдумалик ўғли -
студент 2 курса направления «Экономика»

Аннотация: В статье исследуются критерии повышения экономической эффективности промышленных предприятий, текущая ситуация, а также факторы, влияющие на результаты производства. Автор рассматривает развитие экономики страны, улучшение экономических показателей предприятий и повышение экономической эффективности.

Ключевые слова: промышленность, предприятие, эффективность, производство, оценка, доходность акций, возврат капитала, рентабельность, модернизация, экономика.

THE EFFECT OF LABOR POWER ON THE EFFICIENCY OF INDUSTRIAL ENTERPRISES IN THE DIGITAL ECONOMY

Mukhtarov Mahmudjon Marufovich -

A senior lecturer of the department of "Organization of industrial production" of Andijan Institute of Mechanical Engineering

Akbarov Murodilla Abdumalik o'g'li -
a 2nd year student of direction of "Economics"

Abstract: This article examines the criteria for increasing the economic efficiency of industrial enterprises, the current situation, as well as the impact of labor potential on production results. The author examines the development of the country's economy, improving the economic performance of enterprises and increasing economic efficiency.

Keywords: industry, enterprise, efficiency, production, valuation, stock return, return on capital, labor potential, labor productivity, economy.

Кириш. Ишлаб чиқариш самарадорлигини таъминлаш ҳар бир корхона олдида турган асосий вазифа ҳисобланади. Бизга маълумки корхоналар фаолиятининг миқдор ва сифат кўрсаткичлари ўзгаришини даромадлар ва харажатлар ўртасидаги муносабатда ифодаланилади. Сарфланаётган харажат бирлигига олинган даромадларни ўзгариши самарадорликни асосини ташкил этади. Хозирги рақобат муҳити чуқурлашиб бораётган шароитда саноат корхоналари самарадорлигини таъминлашда меҳнат омили алоҳида аҳамият касб этади. Ривожланган давлатлар тажрибасидан бизга маълумки "Conference Board" тадқиқотлар ташкилотининг маълумотларига асосан ўртача меҳнат самарадорлигининг ошиши 3,0-4,0 фоизни ташкил этмоқда. Айниқса саноати яхши ривожланган АҚШ, Германия ва Хитой каби давлатларда меҳнат самарадорлигини ортиши юқорилиги билан ажралиб турмоқда.

Мамлакатимизда ҳам саноат корхоналари фаолиятида ишлаб чиқариш натижаларини яхшилашда меҳнат самарадорлигига алоҳида эътибор қаратилмоқда. Бундан келиб чиқиб, ислохотлар самарасини ошириш, давлат ва жамиятни ҳар томонлама жадал ривожлантириш учун шарт шароитлар яратиш, мамлакатни модернизация қилиш ҳамда саноат корхоналари

фаолияти самарадорлигини таъминлаш асосий вазифаларимиздан биридур. Мамлакатимизда бу вазифаларни амалга ошириш учун бир қатор амалий ишлар қилинмоқда, Президентимиз Ш.Мирзиёев томонидан ҳам «...иқтисодиётни модернизация ва диверсификация қилиш, меҳнат унумдорлигини ошириш орқали юқори иқтисодий ўсишни таъминлаш» [1] муҳим вазифа сифатида белгилаб берилган.

Белгиланган вазифалардан келиб чиққан ҳолда саноат корхоналари фаолиятида ишлаб чиқариш ресурсларидан самарали фойдаланиш талаб этилади.

Бизга маълумки мавжуд ишлаб чиқариш ресурсларидан фойдаланиш бевосита ишчи ходимлардан фойдаланиш даражасига боғлиқ. Шунинг учун корхоналар фаолияти самарадорлигини баҳолашда бевосита ишлаб чиқаришда банд бўлаётган ишчи ходимлар фаолиятини ўрганиш талаб этилади.

Илмий адабиётлар таҳлили. Шундан келиб чиқиб, бозор рақобати шароитида саноат ишлаб чиқариш натижаларига меҳнат омили таъсирини кўплаб олимлар, Р.С.Каплан, Д.П.Нортон, М.Л.Джорж, Дж.Макси, Д.Роулэндс, М.Прайс, Д.Р.Спитцер каби олимлар томонидан ўрганилган [5].


Р.С. Каплан ва Д.П. Нортонлар саноат корхоналарининг самарадорликни таъминлашда бошқарувни аҳмиятини баҳолаб, корпоратив бошқарув самарадорлиги ва унга таъсир этувчи асосий омиллар ишчи ходимлар, бошқарув стратегияси, бошқарув вазифалари ва раҳбарларни фаол етакчилик қобилиятига баҳо берган.

Мазкур муаллифлар илмий ишларида ишлаб чиқаришда бошқарув самарадорлиги нуқтаи назаридан ёндашган. Бизнинг фикримизча корхоналар фаолиятида меҳнат самарадорлиги тўғрисида гап борганда фақат бошқарув омили эмас, меҳнат ресурсларидан фойдаланиш натижалари, яъни меҳнат унумдорлиги ва маҳсулот бирлиги учун меҳнат харажатлари сарфи ўзгаришини, фонд билан қуролланганлик даражаси ва асосий воситаларни янгиланиш даражасини ҳисобга олиш зарур.

Асосий қисм. Мамлакатимизда амалга оширилаётган иқтисодий ислохотларни асосида ҳам Олий таълим-илм-фан-ишлаб чиқариш ўртасидаги интеграцияни таъминлаш мақсадида бир қатор фармонлар ва қарорлар қабул қилин-

ган. Жумладан иқтисодиётимиздаги ижтимоий-иқтисодий ривожлантириш бўйича устувор вазифаларга мувофиқ кадрлар тайёрлашнинг мазмунини тубдан қайта кўриб чиқиш, халқаро стандартлар даражасида олий маълумотли мутахассислар тайёрлашга зарур шарт-шароитлар яратиш мақсадида Ўзбекистон Республикаси Президентининг 2017 йил 20 апрелдаги «Олий таълим тизимини янада ривожлантириш чоратадбирлари тўғрисида»ги ПҚ-2909-сон қарори қабул қилинган. Мазкур қарорга асосан ишлаб чиқаришда банд бўлган саноат ишлаб чиқариш ходимлари таркибида олий маълумотли ходимлар салмоғини ошириш талаб этилади.

Бундан келиб чиққан ҳолда саноат корхоналари фаолиятида меҳнат ресурслари таркибида олий маълумотли ходимлар салмоғини ошириш самарадорликни таъминловчи асосий омил ҳисобланади. Андижон вилоятида фаолият юритаётган саноат корхоналари фаолиятида ҳам ишчи ходимлар таркибида олий маълумотли ходимлар салмоғи юқори эмас (1-расм).



1-расм. Андижон вилояти саноат корхоналарида олий маълумотли ходимларни саноат ишлаб чиқариш ходимлари таркибидаги салмоғи ўзгариши


“Андижондонмаҳсулотлари” акциядорлик жамиятида олий маълумотли ходимларни саноат ишлаб чиқариш ходимлари таркибидаги салмоғи йилдан йилга ортиб борган, 2010 йили 8,8 фоизни, 2015 йили 9,6 фоизни, 2018 йили 10,9 фоизни ва 2019 йили 11,3 фоизни ташкил этган бўлса, “Андижон ёғ-мой” акциядорлик жамиятида 2010 йили 9,8 фоизни, 2015 йили 8,9 фоизни, 2018 йили 9,8 фоизни ва 2019 йили 10,1 фоизни ташкил этган. “Антекс” акциядорлик жамиятида олий маълумотли ходимларни саноат ишлаб чиқариш ходимлари таркибидаги салмоғи 2010 йили 4,9 фоизни, 2015 йили 6,3 фоизни, 2018 йили 6,5 фоизни ва 2019 йили 10,5 фоизни ташкил этган. Демак олий маълумотли ходимларни саноат ишлаб чиқариш ходим-

лари таркибидаги салмоғи йилдан йилга барча корхонада яхшиланиб борган, лекин бу кўрсаткиччи ҳам ривожланган саноат корхоналари билан солиштирсак анча пастлигини кўришимиз мумкин.

Бу ўзгаришлар натижасида корхоналарни меҳнат унумдорлиги даражаси ҳам бир мунча ортиб борган (2-расм).

“Андижондонмаҳсулотлари” акциядорлик жамиятида меҳнат унумдорлиги кўрсаткичи 2010 йили 29 млн сўмни, 2015 йили 50,1 млн сўмни 2018 йили 110 млн сўмни ва 2019 йили 146,4 млн сўмни ташкил этган бўлса, “Андижон ёғ-мой” акциядорлик жамиятида 2010 йили 70,1 млн сўмни, 2015 йили 124,6 млн сўмни ва 2019 йили 1326,1 млн сўмни ташкил этган.

САНОАТ ИҚТИСОДИЁТИ



2-расм. Саноат корхонларида меҳнат унумдорлиги кўрсаткичи ўзгариши

“Антекс” акциядорлик жамиятида 2010 йили 131,5 млн сўмни, 2015 йили 260,7 млн сўмни ва 2019 йили 399,4 млн сўмни ташкил этган. Демак корхоналарда меҳнат унумдорлиги кўрсаткичи йилдан йилга ортиб борган.

Хулоса. Юқоридаги маълумотлардан шуни кўришимиз мумкинки саноат корхоналарини меҳнат салоҳияти йилдан йилга яхшиланиб бормоқда, бунинг натижасида меҳнат унумдорлиги кўрсаткичи ортмоқда, лекин бу ўзгариш бугунги

замон талабига етарли ҳисобланмайди. Саноат корхоналарда олий маълумотли ходимларни салмоғини ошириш, уларни салоҳиятини кўтариш, кўшимча ўқишларни ташкил этиш ва хорижда малака ошириш асосида меҳнат ресурслари салоҳиятини ошириш зарур. Бунинг натижасида ишлаб чиқариш самарадорлигини ошириш билан бирга корхоналар фаолиятини бозорга мослаштириш ва маҳсулотлар сифатлиги таъминланади.

Манба ва фойдаланилган адабиётлар рўйхати:

1. Ўзбекистон Республикаси Президенти Ш.М.Мирзиёевнинг Олий Мажлисга Мурожаатномаси. «Халқ сўзи» газетаси, 2018 йил 29 декабр, № 271 (7199).
2. 2030 йилгача бўлган даврда барқарор ривожланиш соҳасидаги миллий мақсад ва вазифаларни амалга ошириш чоратадбирлари тўғрисида Ўзбекистон Республикаси Вазирлар Маҳкамасининг 841-сонли қарори. Lex.uz
3. Бирман Г. Капиталовложения: экономический анализ инвестиционных проектов. Текст.: [пер. с англ.]. –М.: Юнити-Дана, 2003.
4. Гладкий А.В “Сущность и методы оценки региональной экономической эффективности предприятия” Псковский регионалогический журнал № 17 2014.
5. Жалгасова А.Г. “Ёқилғи-энергетика комплекси корхоналари фаолиятини самарали ривожлантириш” мавзусидаги (PhD) диссертацияси Автореферати Тошкент – 2018 йил 7-11 бет.
6. Ирматова З.Б. “Ўзбекистон саноат корхоналарининг меҳнат ресурслари самардорлигига таъсир этувчи омиллар” номли мақола “Иқтисодий ва таълим” 2018 №1 86-92 бет.
7. Каплан Роберт, Нортон Дейвид. “Сбалансированная система показателей. От стратегии к действию”. / 2-е изд., испр. и доп./ М.: ЗАО «Олимп-Бизнес», 2012.
8. Курбанова, Д. “Тежамкорлик асосида корхона харажатларининг самардорлигини ошириш йўллари”. Ж. Biznes-daily.uz 28.02.2019. “2 (134)-2019.
9. Романова О.А, Позднякова Е.А. Методологический подход к оценке эффективности производства высокотехнологичных материалов Вестник УрФУ. Серия экономика и управление. № 1/2013
10. Смагулов А.С. “Факторы влияющие на повышение эффективности промышленного предприятия” статья Журнал Экономические науки Выпуск №2 (33) Часть 3 2015 год.
11. Федотова.А. Оценка эффективности деятельности и прогнозирование финансовых результатов компании на основе показателя экономического уровня технологии – Риск: ресурсы, информация, снабжение, конкуренция. - №2, 2012 год – с. 281-286.
12. Шадманов Ш.Ш. Иқтисодийни модернизациялаш шароитида ишлаб чиқариш инфратузилмасини мутаносиб ривожлантиришнинг назарий асосларини такомиллаштириш мавзусидаги (PhD) диссертацияси Автореферати Тошкент -2020 йил.

ТЎҚИМАЧИЛИК КОРХОНАЛАРИДА ИШЛАБ ЧИҚАРИЛАЁТГАН МАҲСУЛОТ ТУРЛАРИНИ ОПТИМАЛЛАШТИРИШ

Рахманов Нуриддин Ғайратжанович -
Божхона институти, “Иқтисодий фанлар” кафедраси кабинет мудирини
Юсунов Саидвали Шукруллаевич -
Давлат божхона қўмитасининг Божхона институти,
Иқтисодий фанлар кафедраси доценти в.б., (PhD)

Аннотация: Ушбу мақолада тўқимачилик корхоналарида ишлаб чиқарилаётган маҳсулот турларини оптималлаштириш йўллари асослаб берилган. Шунингдек, математик ифодалар тузаётганда бир неча шартларга риоя қилиниши аниқланиб, бир неча мезонлар бўйича тузилган мақсад функциялар ҳамда келтирилган мезонлар бўйича тузилган математик ифодалар чизиқли дастурлаш усулини қўллаб ечилиши мумкинлиги изоҳлаб берилган.

Калитли сўзлар: Оптималлаштириш; таннарх; мақсад функция; хом ашё; ишлаб чиқариш дастури; чизиқли дастурлаш усули; шартли белгилар; маҳсулоти ҳажмини юксалтириш.